

9.1.2021

SIARAN MEDIA 1

## **KETUA MENTERI PULAU PINANG RASMI PEMBUKAAN EMPANGAN MENGKUANG**

- **Ketua Menteri Pulau Pinang YAB Tuan Chow Kon Yeow merasmikan pembukaan Empangan Mengkuang yang diperbesarkan berkapasiti 86.4 bilion liter di Seberang Prai, Pulau Pinang, hari ini.**
- **Pulau Pinang akan terus memohon Kerajaan Persekutuan untuk menyiapkan Fasa 2B dan 2C Projek Pembesaran Empangan Mengkuang (MDEP).**

PULAU PINANG, Sabtu, 9.1.2021: Ketua Menteri Pulau Pinang YAB Tuan Chow Kon Yeow merasmikan pembukaan Empangan Mengkuang yang diperbesarkan hari ini.

Kementerian Alam Sekitar dan Air (KASA) telah menyerahkan kembali empangan yang diperbesarkan kepada Pulau Pinang pada 26.10.2020. Sejak 10.12.2020, kawasan puncak empangan sepanjang 2.7 km telah dibuka kepada maksimum 350 pengunjung pada satu-satu masa, dari jam 7.00 pagi hingga 7.00 malam setiap hari.

Akses awam ke Empangan Mengkuang yang diperbesarkan tertakluk kepada peraturan dan keselamatan awam Covid-19 Perbadanan Bekalan Air Pulau Pinang Sdn Bhd (PBAPP). Ia akan tetap dibuka selagi orang ramai bersedia menggunakannya dengan selamat dan bertanggungjawab.

Mereka yang berminat untuk mengunjungi empangan boleh melihat senarai penuh peraturan dan peraturan keselamatan di [www.pba.com.my](http://www.pba.com.my) atau halaman *Facebook* PBAPP.

Bercakap di tapak empangan hari ini, YAB Tuan Chow berkata, pembukaan empangan yang diperbesarkan menandakan satu lagi peristiwa penting dalam sejarah bekalan air di Pulau Pinang.

“Kisah di sebalik Projek Pembesaran Empangan Mengkuang (MDEP)

bermula lebih dari 9 tahun yang lalu, ketika Pulau Pinang bersetuju untuk berhijrah ke Inisiatif Penstrukturan Semula Industri Perkhidmatan Air Nasional Kerajaan Persekutuan, atau NWSRI.

“Pada tahun 2011, Kerajaan Negeri Pulau Pinang dan PBAPP berjaya dalam perundingan agar Kerajaan Persekutuan membiayai dan melaksanakan MDEP, bagi menangani keperluan bekalan air Pulau Pinang yang semakin meningkat pada abad ke-21,” katanya.

“MDEP pada awalnya dijadualkan siap pada tahun 2016. Namun, empangan yang diperbesarkan itu hanya diserahkan kembali ke Pulau Pinang pada 26.10.2020,” tambah beliau.

YAB Tuan Chow berkata “Empangan Mengkuang yang diperbesarkan adalah empangan terbesar yang dibina dalam sejarah Negeri Pulau Pinang, dengan luas permukaan maksimum 3.4 km persegi, berbanding dengan luas permukaan maksimum 1.74 km persegi pada tahun 1985.”

“Lebih penting lagi, kapasiti efektif empangan telah meningkat sebanyak 293%, dari 22,0 bilion liter kepada 86,4 bilion liter. Kita memerlukannya hari ini untuk mengurangkan risiko kekurangan air ketika musim kemarau yang berpanjangan, pada era perubahan iklim kini,” katanya.

MDEP adalah projek Persekutuan yang dilaksanakan oleh Kerajaan Persekutuan tanpa kos langsung kepada Pulau Pinang dan rakyatnya. Dibiayai oleh geran Persekutuan bernilai RM1.2 bilion, skop kerja penuh MDEP merangkumi 4 fasa utama:

Fasa	Status (pada 9.1.2021)
1	Peningkatan kapasiti efektif Empangan Mengkuang daripada 22.0 bilion liter kepada 86.4 bilion liter dan kerja-kerja yang berkaitan.
2A	Menaik taraf Rumah Pam Mak Sulong, untuk meningkatkan kapasiti mengepam air mentah dari Sungai Kulim, daripada 200 juta liter sehari (JLH) kepada 400 JLH.
2B	Pemasangan paip air mentah berdiameter 1.6m sepanjang 7km dari
	Peringkat akhir pengambilan tanah.

	Rumah Pam Mak Sulong ke Terusan Sungai Dua. Saluran paip baru ini akan meningkatkan kapasiti pengeluaran air mentah empangan daripada 300 JLH kepada 600 JLH.	Bahagian Bekalan Air Kementerian Alam Sekitar dan Air (KASA) akan melaksanakan projek ini pada tahun 2021.
2C	Pembinaan Rumah Pam Lahar Yooi 440 JLH untuk membolehkan proses pengisian dan pengisian semula empangan dengan pantas dengan mengepam air dari sumber air mentah kedua: Sungai Muda.	Dimasukkan dalam Kajian Kebolehlaksanaan untuk membina baraj baharu di Rantau Panjang untuk dipertimbangkan oleh Kerajaan Persekutuan.

YAB Tuan Chow berkata dalam pada Kerajaan Persekutuan telah menyerahkan Empangan Mengkuang yang diperbesarkan ini kepada Pulau Pinang, “kisah penuh MDEP belum tamat.”

“Kita masih menunggu pelaksanaan Fasa 2B dan Fasa 2C oleh Kerajaan Persekutuan, seperti yang dijanjikan,” tambah beliau.

---

Dikeluarkan oleh : Syarifah Nasywa bt Syed Feisal Barakbah  
Unit Komunikasi Korporat  
Tel : 04-200 6607  
Email : syarifah@pba.com.my